

Fólkvangurinn Hvaleyrarlón og Hvaleyrarhöfði í Hafnarfirði

Samningur um umsjón og rekstur

1. gr.

Samningsaðilar.

Umhverfisstofnun, kt. 701002-2880 og Hafnarfjarðarkaupstaður, kt. 590169-7579 gera með sér samning um umsjón og rekstur fólkvangsins sem kenndur er við Hvaleyrarlón og Hvaleyrarhöfða í Hafnarfirði í samræmi við 30.gr. laga um náttúruvernd, nr. 44/1999. Markmið friðlýsingarinnar er að tryggja útivistar- og fræðslusvæði til útiveru og fuglaskoðunar ásamt því að vernda lífríki og leirur svæðisins sem eru m.a. mikilvægt búsvæði fugla.

2. gr.


Markmið samningsins

Markmið samningsins er að umsjón og rekstur fólkvangsins Hvaleyrarlóns og Hvaleyrarhöfða sé í samræmi við lög um náttúruvernd, nr. 44/1999, reglur hins friðlýsta svæðis í samræmi við auglýsingu um friðlýsinguna í Stjórnartíðindum (nr. 397/2009) og reglugerð um innflutning, ræktun og dreifingu útlendra plöntutegunda nr. 583/2000.

3. gr.

Mörk fólkvangsins.

Mörk fólkvangsins eru sýnd á meðfylgjandi uppdrætti þar sem fram koma hnit, ISN-93, sem svæðið markast af.



4. gr.

Verndaráætlun.

Umhverfisstofnun í samstarfi við Hafnarfjarðarkaupstað skal vinna að gerð verndaráætlunar fyrir fólkvanginn Hvaleyrarlón og Hvaleyrarhöfða í samræmi við d lið 6. gr. laga um náttúruvernd, nr. 44/1999. Samið skal sérstaklega um skiptingu kostnaðar vegna gerðar verndaráætlunar.

5. gr.

Umsjón og landvarsla.

Hafnarfjarðarkaupstaður sér um daglegt eftirlit, umsjón og rekstur með fólkvanginum. Málefnum sem upp kunna að koma og kalla á sérstakar ráðstafanir eða stjórnvaldsákvarðanir ber að vísa til Umhverfisstofnunar.

Ef ráðinn verður landvörður fyrir svæðið skal hann uppfylla ákvæði 29.gr. laga um náttúruvernd, sbr. 1. gr. reglugerðar um landverði, nr. 61/1990.

6. gr.

Fræðsla.

Hafnarfjarðarkaupstaður hefur umsjón með gerð fræðsluefnis. Tilkynna skal Umhverfisstofnun um gerð og uppsetningu fræðsluefnis og eftir atvikum leita leyfis stofnunarinnar ef um framkvæmdir er að ræða.

7. gr.

Mannvirkjagerð og aðrar framkvæmdir

Öll mannvirkjagerð, jarðrask og önnur breyting á landi skal vera í samræmi við samþykktar skipulagsáætlanir, auglýsingu um friðlýsingu fólkvangsins Hvaleyrarlóns og Hvaleyrarhöfða og verndaráætlun. Varðandi allar framkvæmdir innan náttúruvættisins ber að fylgja ákvæðum 38. gr. laga um náttúruvernd, nr. 44/1999.

8. gr.

Gjaldtaka og þjónustugjöld.

Hafnarfjarðarkaupstað er heimilt að taka þóknun fyrir þjónustu sem veitt er innan fólkvangsins svo sem leiðsögn um svæðið í samræmi við 32. gr. laga um náttúruvernd nr. 44/1999.

9. gr.

Kostnaður vegna umsjónar.

Hafnarfjarðarkaupstaður kostar laun og annan kostnað vegna daglegs eftirlits, umsjónar og rekstrar á hinu friðlýsta svæði. Ef kemur til sameiginlegra verkefna samningsaðila í fólkvanginum vegna sérstakra aðstæðna skal samið hverju sinni, um framkvæmd verksins og skiptingu kostnaðar.

10. gr.

Skýrslugerð.

Hafnarfjarðarkaupstaður skal gefa Umhverfisstofnun skýrslu ár hvert um ástand, framkvæmdir og aðra starfsemi í náttúruvættinu. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina um veittar undanþágur sbr. 8.gr. auglýsingar um fólkvanginn Hvaleyrarlón og Hvaleyrarhöfða í Stjórnartíðindum, ástand lands og lífríkis, fræðslu, gestafjölda, umgengni, framkvæmdir og kostnað af þeim og annað sem kann að skipta máli varðandi friðlandið.

11. gr.

Eftirlit Umhverfisstofnunar.

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið sbr. auglýsingu um friðlýsinguna í Stjórnartíðindum, reglugerð um innflutning, ræktun og dreifingu útlendra plöntutegunda nr. 583/2000, 30. gr. laga um náttúruvernd nr. 44/1999 og verndaráætlun.

12. gr.

Gildistími.

Gildistími samnings þessa fyrir fólkvanginn Hvaleyrarlón og Hvaleyrarhöfða er 10 ár frá undirritun og staðfestingu umhverfis- og auðlindaráðherra.

13. gr.

Ákvæði um endurskoðun.

Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að fimm árum liðnum. Gagnkvæmur uppsagnarfrestur samnings þessa er 6 mánuðir.

14. gr.

Meðferð ágreiningsmála.

Umhverfis- og auðlindaráðherra úrskurðar um ágreiningsmál varðandi samning þennan.

15. gr.

Gildistaka.

Samningur þessi er í þremur samhljóða eintökum og heldur hvor samningsaðili einu eintaki og umhverfis- og auðlindaráðherra einu.

Samningurinn tekur gildi við staðfestingu umhverfis- og auðlindaráðherra.

Gjörtstaður.....dags

F.h. Umhverfisstofnunar

F.h. Hafnarfjarðarkaupstaðar

Kristín Linda Árnadóttir
forstjóri

Haraldur L. Haraldsson
bæjarstjóri

Staðfesting umhverfis- og auðlindaráðherra

Sigrún Magnúsdóttir

Vottar:
